

تبریز ایرانین اوروپایا آچیلان تیجاری دروازاسیدیر

ارزرومون بازرگانی اوتاغی نین ریسی: تبریز ایرانین اوروپایا آچیلان تیجاری دروازاسیدیر.

ارزرومون بازرگانی و صنایع و معادن اوتاغی نین ریسی تبریزی ایرانین اوروپایا آچیلان دروازاسی بیلدی. فارس خبرگوزاریسی نین تبریزدن وئردیگی گوزاریشه گۆره، بیر عالی روتبه هئیاتینن تبریزه گلن سلیم اوزاکان تبریز شهرداری علیرضا نوینله گۆروشوب، منطقهده تبریزین تیجاری و ایقتیصادی نقشینه تأکید ائدیپ دئدی: تبریز قدیملردن ایپک یولو اوستونده اولماسینا گۆره کئچن عصرلرین ایقتیصادی شاه داماری عونوانیندا منطقهده تاسیس و موهوم یئر توتوب و ائلیه بلیب ایران و اوروپا آراسیندا بیر دروازایا چئوریلسین و منطقه اۆلکهلری و حتی آسیا اوروپا آراسیندا تیجاری آلیش وئریشلرده چوخ موهوم نقش اویناسین. ارزرومون بازرگانی اوتاغی نین ریسی سۆزلری نین ایری بۆلومونده ایران و تورکیه آراسیندا کی رابطهلرین درینلشمه سیندن مخصوصاً تورکیه نین موختلیف شهرلری اینن تبریز آراسیندا اولان رابطهلرین چوخالماسیندان سئویندیگینی بیلدیریب دئدی: تورکیه نین موختلیف شهرلری و تبریز آراسیندا اولان دین، دیل و فرهنگ ایشتیراکلاری و تیجاری ایقتیصادی آلیش وئریشلرین اولماسی بو زمینه نی حاضیرلاییب کی ایکی طرفین رابطهلری بو تعامل لر کۆلگه سینده چوخالسین. او ارزرومون بازرگانی و صنایع و معادن اوتاغی نین تبریزله تیجاری ایقتیصادی رابطهلرین چوخالتماسینا حاضیر اولدوغوندا خبر وئردی.

حدیث:

ایمام رضا (ع) بویورولار: «مَنْ رَضِيَ عَنْ اللَّهِ تَعَالَى بِالْقَلِيلِ مِنَ الرِّزْقِ رَضِيَ اللَّهُ مِنْهُ بِالْقَلِيلِ مِنَ الْعَمَلِ» هر کس آلاهی طرفیندن وئرلن رزقین آزیغینا قانع اولا، آلاهی اونون آز عملیندن راضی اولاجاق (بحارالانوار، ج 78، ص 357)